



partii naleraq

Nuuk 9. oktober 2018  
UKA2018/218  
Hans Enoksen Partii Naleraq

**Uunga siunnersuut: Kalaallit Nunaata Inuit Pisinnaatitaaffii pillugit Siunnersuisoqatigiit pillugit Inatsisartut inatsisaat nr. xx, xx. xxx 2018-imeersoq**  
(Peqqisutsimut Ilisimatusarnermullu Naalackersuisoq)

**Siullermeernera**

Inuit pisinnaatitaaffiit pillugit siunnersuisoqatigiit inatsisartut inatsissaattut siunnersuut pillugu oqaasissagut saqqummiutissavagut.

Nunatsinni inuit pisinnaatitaaffii pillugit inatsimmik nutaamik saqqummiussaqaarneq assut soqutigintartipparput, tassami nunatsinni inuit pisinnaatitaaffiit pillugit innuttaasut periarfissaminnik ilisimasaqarnerat amerlasuuni killeqartorujussuummat, pissutsillu tamakku qaangerneqassappata inatsimmik nutarterinissaq pinngitsoorneqarsinnaanngilaq.

Iлами inuttaasugut amerlasuut ilisimangilarpulluunniit nunatsinni inuit pisinnaatitaaffii pillugit sullissivik allattoqarfilluunniit sumiinnersoq ilisimangilarput, sumut saaffiginnissallutaluunniit naluarpud, sumilluunniit ikiortissarsiorsinnaanerluta innuttaasut amerlasuut naluarpud, soorunami pissutsit tamakku taamaanerat akuersaarneqarsinnaanngilaq.

Nunatsinni innuttaasutut pisinnaatitaaffigut pillugit naammagittaalliorfissat ullumikkornit annertunerujussuarmik qaammarsaatigineqartariaqalerput. Ilaatigut pisortat sullissinerat pitsaanerpaamik innuttaasut ilaannut atortinneqarneq ajoraluartut kiffartuunneqarnerpullu pitsaanngikkaluaqisut amerlasuutigut akueriinnartarparput, isumaqarluta tassa taamaattussasut, uffalu pisinnaatitaaffitta qaammasakkinnittalu kingunerisaanik periarfissattalu qaammarsaatigineqannginnerat annertunerpaamik pissutaasoq.

Suullu periarfissaanersut ilisimanginatsigit amerlasuutigut uniinnarnermut pissutaasarluni, tassami amerlasoorpassuit suliasat pisortat ataanni kiffartuussinerit sullissinerillu pisortanik ingerlatsinersuusarmata isumaqalersinneqartaratta akissutaat tamarmik eqqortuusut uffalu tamatigut taamaattoqanngilluinnartartoq.

Nunatsinni innuttaasut pisinnaatitaaffii pillugit allaffeqarfik Naalackersuisut ataanni inissisimassanngitsoq siunnersuutigineqartoq isumaqatiginarluinnarpoq. Tassami allaffeqarfik immikkorluinnaq ingerlalerpat aamma innuttaasunik atorluarneqalernissaa ilimanarluinnarpoq pingaartumik pissutsit periarfissallu qaammarsaatigineqalerpata.

Allattoqarfiup immikkorluinnalernissaa naalackersuinikkut attuumassutaarulluni aammalu siulittaasoq ataavannerusumik sullissisinnalernissaa tamakkiisumik tapersearnarpoq. Kiisalu aamma siulersuisunik qinersisarnissami periutsit allanngortinneqarnissaat isumaqatiginarpoq.

Kisiannili una ilanngullugu nalilersugassatut tikkuarusupparput siulersuisunut ilaasortat allat akissarsiaqaratik sulinissaat eqqarsaatigeqqunarpoq ilimananngimmat soqutigisat tunngaviinnarlugit ingerlasoqassappat suliffeqarfimmini sulinerminni aningaasatigut annaasaqartassagunik ilaasortat immaqa aalaakkasumik ilaasortaatinniarnissaat ajornakusoorsinnaasooq pingaartumik angalanerit ingerlanneqartassappata, naak angalanermini annaasaqarnerisutitullormusianillu pisartussaagaluartut. Tassa inassutigissavarput nalilersuisoqassasooq ilaasortat siulittaasooq kisimi pinnani ajunngitsorsiassaqaarnissaat.

Assersuutigalugu innutaaqatigut amerlasuut inissaaleqinerminni eqqorneqartarput ilaqutariit meerartallit inigisaminnik anisinneqartarput. Inissaqaanngitsorpassuit sumi tamaani unnuiffissaqartinnagilluunniit inoqataatippagut uffalu pisinnaatitaaffigigaat kialuunniit inissaqartitaanissani.

Tamannalu meeqqat eqqarsaatigalugit tulluanngilluinnarpoq, tassami toqqissillutik ilaqutariit tamarmik angerlarsimaffeqarnissaat pisinnaatitaaffiuvoq, tamannalu eqqortinneq ajorparput, inerteqqutaalertariaqarporluunniit ilaqutariit meerartallit anisinneqartassanngitsut, tassami ikiorsiinissat pisinnaatitaaffiillu maani qaammarsaatigineqartariaqalivipput, ilagut ilaqutariit meeqqallu akigiuannarsinnaanngilagut issittumiippugummi silami inuuffigineqarsinnaanngitsumi. Ilaqutariit imminnut pilersorsinnaanerit ilaatigut inerteqqutinilluunniit sukanganerumik ingerlattarparput mattutivittarlugillu.

Assersuutit piviusut makkuupput. Aalisarsinnaanermut akuersissutit tunniukkumaneqarneq ajorput, uffalu najukkaminni ilaatigut nunaqarfimmini allanik inuussutissarsiorfissaqaanngitsut. Ilaqutariit napparsimasortallit, utoqqaat, innarluutillit ikiorserneqarnissaminnik saaffiginnippata amerlasoorpassuatigut itigartinneqartarput, naak ilaat pisariaqartitsinerpaaffimmini saaffiginnittaraluartut.

Taamaattumik nunatsinni inuit pisinnaatitaaffii pillugit sullissinerit qaammarsaanerillu annertusaaffigineqartariaqarput, tamannalu Namminersorlutik oqartussat kommune peqatigalugit annertusarneqartariaqarput tamakkulu aaqqinneqassappata taava sinerissamut angalanerit annertuumik aallartinneqartariaqalerput.

Inuimmi pisinnaatitaaffinik illersuineq allaffeqarfimiiginnarsinnaanngilaq tassami massakkut amerlasuut naluarpulluunniit sumut saaffiginnissanerluta aammalu sumik ikiorneqarsinnaanerluta, pissutsit tamakku qaangerneqassappata ersarinnerusumik sulisoqartariaqalerpoq.

Taamatut oqaaseqarluta ataatsimiititaliami suliarineqarnissaa innersuussutigaarput.